

705 **G**awane ein bischof messe sanc.
 von storîe wart dâ grôz gedranc;
 ritter unde vrouwen
 man mohte zorse schouwen
 5 an Artuses ringe,
 ê daz man dâ gesinge.
 der kûnec Artus selbe stuont,
 dâ die pfaffen daz ambet tuont.
 dô der benediz wart getân,
 10 dô wâpende sich hêr Gawan.
 man sach ê tragen den stolzen
 sîn îserîne kolzen
 an wol geschichten beinen.
 dô begunden vrouwen weinen.
 15 Daz her zogete ûz über al,
 dâ si mit swerten hôrten schal
 unt viwer ûz helmen swingen
 unt slege mit kreften bringen.
 Der kûnec Gramoflanz pflac site,
 20 im versmâhte sêre, daz er strite
 mit einem man. dô dûhte in nû,
 daz hie sehse griffen strîtes zuo.
 ez was doch Parzival al ein,
 der gein im werlîche schein.
 25 Er het in underwîset
 einer zuht, die man noch prîset:
 er engenam sît nimmer mêre
 mit rede an sich die êre,
 daz er zwein mannen bûte strît,
 30 wan einer sim ze vil dâ gît.

dô diu benedictio (Do der segen V L) w. g., *T (L)

man s. dar *G (*T) · tr. dem st. *G (ohne I)

ûz helme springen *G ûz h. springen *T (L Z Fr18)

kr. dringen (ringen L [*]: dringen V). *G *T

noch ([*]: noch V) om. *G *T

m. hiet st., *G (*T)

e. ims (imme V) ze *G (*T)

*D: D *m: m Fr69 (705.9–15) *G: G I L Z Fr18 *T: U V

1 Initiale D m G L Z U V 9 Initiale I 15 Majuskel D 19 Majuskel D 25 Majuskel D

1 Gawane] Sawane D 3 beidiu ([*]: Beide V) ritter und vrouwen *m (V) 14 dô] da D 15 her] volc *m 16 mit] von ([*]: von V) *m (V) 30 sim] im *m